

ИНДИАНА ФЕОФАНОВА


# ТАПТАЛ?

г. Орск  
2019

16+



Индиана Феофанова



ТА П ТА Л ?

г. Орск  
2019




УДК 821.512.157-1Феофанова  
ББК 84(2=634.1)6-5  
Ф42

Феофанова, Индиана Васильевна  
ТАПТАЛ? : [хоһооннор] / Индиана Феофанова.- 2019. 32 стр.,  
Агентство СИР НРБ Саха

Ааптар, Индиана Феофанова, 16 сааһыттан үөһэ  
саастаах, киэн аранаҕа аһаммыт, таптал тематыгар хоһо-  
онноро.

УДК 821.512.157-1Феофанова  
ББК 84(2=634.1)6-5  
© Феофанова И.В. составление, 2019






ᠪᠯᠯᠠᠶᠠᠵᠤᠮ, бᠤ сᠢᠦᠷᠢᠭᠡ тᠠᠯᠠᠮᠠᠯᠤ  
ᠪᠠᠰᠢᠮᠯᠠᠮᠠᠯᠠᠳᠠᠷ дорᠵоонтон тᠠᠴᠠᠮᠮᠤᠮ,  
ᠪᠯᠯᠠᠶᠠᠵᠤᠮ, бᠤ сᠢᠦᠷᠢᠭᠡ тᠠᠯᠠᠮᠠᠯᠤ  
ᠪᠯᠯᠠᠬᠠᠬᠠᠦ сᠢᠦᠷᠢᠶᠢᠬᠡ ᠠᠨᠠᠠᠮᠮᠤᠮ.









Тапталы туойаллар  
Тапталтан дьоллоохтор,  
Таайбатах өттүттэн  
Табыгас охтоохтор.

Тапталы туойаллар  
Толору дьоллоохтор,  
Табыгас охтооххо  
Таптарбыт сордоохтор.





## КЭРДИИС ҮКТЭЛ




Оџо сааспыт таптала  
Олох төрүт кырдыга,  
Ооньуур ыраас ыралаах  
Оотой-тоотой ыллыга.

Эдэр сааспыт таптала  
Эппит-сииммит этиитэ,  
Энин санаа ыалдыттыыр  
Эрчим сүрэх тэбиитэ.


Орто сааспыт таптала  
Оспот суолбут омооно,  
Оџон мэнэ санаатын  
Ордук тутуу толооно.

Төһүү сааспыт таптала  
Түмүк тылбыт мэктиэтэ,  
Тэннэ бииргэ сааһырыы  
Тирэх, ытык бэлиэтэ.

Омун-төлөн тапталбыт  
Олус кэрэ кэмнэрдээх,  
Олбу-солбу уурталыыр  
Оннук кэрдиис үктэллээх.







## КУЛГААХПЫНАН ИСТЭММИН

Кулгаахпынан истэммин  
Таптыыр эбит буолларбын,  
Сипсий миэхэ сэргиихпин  
Күүтэр күндү тылларбын.

Эдэр, сэнэх кэмнэрбэр  
Этэр курдук кэрэбин,  
Санат эбээт өрүүтүн  
Сэмээр ахтар күннэрбин.

Сылайбыккын аһарых  
Сырдык мичээр имнээхпин,  
Сыры аайы кэрэхсээ  
Сыл ылбатын истиэхпин.

Сэгэттэийин баарбыттан  
Сэниэлэнэ түһэргин,  
Сэргэ бииргэ хаамсартан  
Сэксэйээхтии чэпчииргин.

Кулгаахпынан истэммин  
Таптыыр эбит буолларбын,  
Сипсий миэхэ сэргиихпин  
Күүтэр күндү тылларбын.





## ЭЙИГИН ТАПТЫБЫН МИН ДИЭХПИН



Эйигин таптыбын мин диэхпин  
Элбэби эрэйиэх турукпун,  
Эппэтэх тылларбын этиэхпин  
Эмиэ да туттунар курдукпун.

Санныгар өйөнөн олорон  
Саныырбын сааһылаан эриэхпин,  
Сэгэриэм, сэнгээрэн истимиэн  
Сэмэйдик чэ, кэлин диэтэлиэн.


Аттыгар сытаммын чуумпуга  
Ааспыты ажалан ахтыахпын,  
Аһара илистэ сылайыан  
Адһаһын дьэ, тиэрэ хайыһыан.

Ыраатар кэмнэргэр чуумпуга  
Ыһыра ырыабын ыллыахпын,  
Ыксаанһын ылбычча төннүмүөн  
Ытаабыт харахпын сотумуон.

Ол эрэн, сүрэһим сэрэйэр  
Олоххор миигинниин дьоллооххун,  
Ордук хос билини күүппэккэ  
Оргууйдук бөбөргүүр тапталһын:







## ТАХСЫАХ ЭРЭ ТАҢЫРДЬА

Чуумпу оргууй кууһуута  
Чараас былыт устуута,  
Чолбон тула умайар  
Чабыл сулус хойдуута,

Тахсыах эрэ таһырдыа  
Тунал киэһэ дьаарбайа,  
Таалан туруох иһийэ  
Таптал түүнүн салайа.

Ыйбыт мичээр утаба  
Ыллык суолу сырдатыа,  
Ыраас санаа көччүтэ  
Ыраах, ыраах ынырыа.

Имэрийсэ көрсүөхпүт  
Иммит кыһа тэтэрэ,  
Иэйэ тэбиэ сүрэхпит  
Имэн уотун күөдьүтэ,

Тахсыах эрэ таһырдыа  
Тунал киэһэ дьаарбайа,  
Таалан туруох иһийэ  
Таптал түүнүн салайа.





## ДЬОЛУ СЭРЭЙ, АҢАРЫМА

Дьолу сэрэй, аһарыма  
Дьонго анаан аанын астын,  
Дьолум суох, диэн кэпсэнимэ  
Дьылба-ыйаах араас, атын.

Кини кэлиэ, баҕар, бүгүн  
Кистээн ахтар кибигиниин,  
Киирэн кэлиэ оргууй аҕай  
Килбик, ыраас мичэриниин.

Олох дьоло тахсар күннэ  
Оонньоон ааһар оҕо сааска,  
Отон амтан уураһыыга  
Омун-төлөн таптаһыыга.


Кини кэлиэ нуурал киэһэ  
Киирэн ааһыа тонсуйбакка,  
Күлүк түһэр ыйдаах түүннэ  
Кыбыстарды тыаһаабакка.

Эн, мин дьолбут бу ырыаҕа  
Эдэр турук, кэрэ кэмнэ,  
Эрчим уохтаах элэс сааска  
Эйэ дэмнээх эрэл кыымга.

Дьолу сэрэй, аһарыма  
Дьэбин уоста тоһуйума,  
Дьолгун кууһан уоскуйума  
Дьоһун куту куоттарыма.







## БҮГҮН ЭН МИИГИННИИН ЭРЭ БУОЛ

Бүгүн эн миигинниин эрэ буол  
Бүччүмнээн иккиэйэх олоруох,  
Букатын кими да санаамаах  
Бу орто дойдуну оо, умнуох.

Баҕардар, тус хоту хаардаатын  
Бачымах сулус түүн суулуннун,  
Баҕабыт баһыйан хатаных  
Барытын билбэтэх дуу, буолуох.

Баҕардар, дохсуннук ардаатын  
Балкыырдаах байҕалтан тыалырдын,  
Бүгэммит түннүктүүн дьэ, саптыах  
Бүтэйдии биһиги дьоллонуох.

Дьоллонуох кыл түгэн, кыраттан  
Дьоруо күн уһурун күүппүттэн,  
Дьоллонуох иккиэйэх саспыттан  
Дьоһун түүн кылгаһын билбиттэн.








## ОЛОХПУН КИЭРГЭТЭН ААСТАРГЫН

Эйэбэс биир тылы этэннин  
Эйэргии мин диэки көрдөргүн,  
Эппэйэ өрүтэ тыынаннын  
Эпсэри оо, кууһан ылларгын.


Аргыыйдык илииттэн сиэтэннин  
Арыаллаан аттыбар хаамтаргын,  
Аргыһым аара да хаалларгын  
Аартыкпар атаарар буолларгын.

Күүлэйгэ ыһыран үөрдэннин  
Күүтэннин долгута түстэргин,  
Күн курдук күлүмнүү күлэннин  
Күндүгүн миэхэбэ, диэтэргин.

Обуйук уостарбын дабайан  
Оботук тапталбыт күөдьүйдэр,  
Обуурдаан сүрэхпин тутаннын  
Ол кэммит букатын эргийдэр.







## ТОҢО?


Тоҗо тулам тупсарый  
Тойук туойан ыллыырый,  
Тоҗо кутум иэйэрий  
Толбонура сырдыырый.

Тоҗо куйаас сайыным  
Тонугу хаардыы хаарыйар,  
Тоҗо уораан кыһыным  
«Тоҗус уубун» толуйар.


Тоҗо сүрэх тиэтэйэр  
Толугуруу эппэйэр,  
Тоҗо кини иһийэр  
Толлон, бүгэн иэдэйэр.

Тоҗо мин бу үөрэбин  
Тонуй хотун сымныыбын,  
Тоҗо арыт ытыыбын  
Тоҗоос көрдүү мунабын.

Тоҗо эбит диэтэргит,  
Тосхол суолбун тыырабын,  
Тонуур сиргэ олохпор  
Тоҗой бэйэм, таптыыбын.







САНА КҮН ТАҒЫСТА  
КҮӨРЭЙЭ


Саһарҕа сандаарда мичийэ  
Сана күн тағыста күөрэйэ,  
Сарсыарда уһуктар сир ийэ  
Саргыны куустарар ил-эйэ.

Аттыбар сэгэрим сирэйэ  
Арбыырбын билэр ээ, сэрэйэ,  
Аналым бу бэйи сэмэйэ  
Алтыһыам турдаҕа бэрийэ.

Эрдэлээн сиэннэрбит бүөбэйэ  
Этэннэ көмөҕө тиэтэйэ,  
Эдэрдиир сааспытын үрэйэ  
Эбээлээх эһээҕэ үтэйэ.

Күн арҕаа түһүөҕэ иһийэ  
Киэргэйэ наһыллык им кэйэ,  
Күннээҕи олохпут битийэ  
Күрэниэ бу маннык тэнийэ.






## ТОҖО БҮГҮН АРДАХ ТҮҢЭР

ТоҖо бүгүн ардах түһэр  
Халлаан харах уутун ыгар,  
ТоҖо санаам сапшабырар  
Курус тымныы кууһан ылар.


Ытыстарбын холбуу тутан  
Таммах ууну өрө баһыам,  
Бймахтыахпын саарыы са-  
наан  
Толлон, таалан турбахтыам.

БаҖар, аны амтана  
Туустаах эбит буолуоҖа,  
Хомолтобун хомуйан  
Холбуйбутум буолуоҖа.

Халын былыт халлан барыа  
Сүргэм онтон сэргии үөрүө,  
Хаһан эмит күммүт көрүө  
Арай сүрэх кистээн ытыа...







**ТУЙМААРА УУЛУННА  
КИМ ЭРЭ**


Кыыс күүтэр доборун эрэнэ  
Күүскэ да таптыырын билинэ,  
Сүрэбин кистэлин сэрэнэ  
Арыйыан бабарар этинэ.

Имнэрэ кыыстылар тэтэрэ  
Умайар уотунан кэйиэлии,  
Тубуста ол онтон сэбэрэ  
Толору түөстэрэ тэбиэлии.

Аат ааттаан ыгырда сипсийэ  
Иниллэр биир тылы сайыһа,  
Ахтыбыт эбитин сэрэйэ  
Бабардар сыһара, албаһа...

Хос аана арыллар сэгэйэ  
Доборо бу киирдэ, сэгэрэ.  
Этиэхтээх тылларын үрэйэ  
Туймаара уулунна ким эрэ...





## ДОЛГУЙДУМ

Талаһа тарбахпын таарыйдын  
Тайана оргуудук хаарыйдын,  
Ытыспар ытыскын эн уурдун  
Ыксары сылаастык да туттун.

Соһуйан олуһун долгуйдум  
Сайынны куйаастыы дьэ, бустум,  
Сапсынан сөрүүкүөх буолбутум  
Сойуохпун баҕарбат курдукпун.

Курдаттыы сүрэҕим нүөлүйдэ  
Кураантан куурбуттуу мөбүстэ,  
Кумуллан куччуоҕун баҕарда  
Кутаалы уотунан умайда,

Кэйиэлии иэдэһим тэтэрдэ  
Кыбыстан сир кырса кытаатта,  
Кэннитин хайыһыан эрэйдим  
Кэпсэтиэх санаабын сэрэйдим.





## КИЭНЭЭННИ БҮЛҮҮ



Күһүңгү бу чуумпу киэһэбэ  
Кириэбим мин Бүлүү өрүспэр,  
Килбиктик туттаммын соботох  
Туруобум туруору биэрэккэр.

Устар уу сүүрүгүн одуулаан  
Ааспыты эргитэ саныабым,  
Долгуйар дууһабын арийан  
Дьиримниир долгунгар ыһыабым.


Субулар ыйдана сырдыгар  
Сууланын, бигэнэн ылбахтыам,  
Сулустаах халлаанга хайыһан  
Тосхойбут дьылбабын ыймахтыам.

Сирэйбэр биллибит сөрүүн тыал  
Сүрэхпэр сөнмүтү сураһыа,  
Инники олобум кэрэтин  
Тахсар күн сарыала санатыа.

Күһүңгү бу чуумпу киэһэбэ  
Кириэбим мин Бүлүү өрүспэр,  
Килбиктик туттаммын соботох  
Туруобум туруору биэрэккэр.







## ҮЙЭЛЭЭХ ТАПТАЛГА

(Чэлгийээнэбэ, кини тапталлаах олобун аргыһыгар)


Маякпар эйиэхэ сирдэтэн  
Муммакка олохпор устабын,  
Мунчаарар сүрэхпин долгутар  
Мичээргин өрүүтүн ахтабын.

Ыраата арай эн бардаргын  
Ыйдаах түүн мин уубун умнабын,  
Ыраастык таптыырбын билинэ  
Ырыабын утары уунабын.

Сайар тыал буоланнын оччоҕо  
Субу, бу, аттыбар тыынаҕын,  
Суохтаабыт санаабын киэр кыйдаан  
Сэгэриэм, эн кууһан ылаҕын.








## ИСТИН, СЫЛААС ЧУУМПУГА

Истин, сылаас чуумпуга  
Ибии кууһар имэннэ,  
Инэн туран испиттэн  
Итириэхпин баҕардым.


Таба харах көрүүгэ  
Таайтарыылаах таһааба,  
Тайаараахтыыр табылга  
Таалалыхпын баҕардым.

Аптаах алып аяхтан  
Арбыыр алыс тылыттан,  
Атаахтааммын адьаһын  
Алаарыхпын баҕардым.

Сомсон ылбыт дьолбуттан  
Солуур соргу суолуттан,  
Сойуолаһан тураммын  
Сойумуохпун баҕардым.








## ХАҢАН ЭТЭЙ

Хаһан этэй, доҗоччуок,  
Сылаас сайын сыһыга  
Сырсан субу иһэрбит,  
Сыккыс уутун ыймахтыы  
Сыһыгырыы күлсэрбит.

Хаһан этэй, доҗоччуок,  
Хатын чаран быһынан  
Хараан киэһэ хаамсарбыт,  
Хампа күөбэ сэбирдэх  
Хаххатыгар саһарбыт.

Хаһан этэй, доҗоччуок,  
Тарбахтартан таарыйсан  
Тахсар күнү кэтиирбит,  
Таалан турар чуумпуттан  
Таптал тылын күүтэрбит.

Хаһан этэй, доҗоччуок,  
Эдэр тунгуй бэйэбит  
Эйэргэһэр күннэрбит,  
Элиэтэһэ далбаатыыр  
Эргиппэт ол кэмнэрбит.





## СЭБИРДЭХ ҮӨНЭТТЭН ТЭЛЭЭРДЭ



Саһархай өнгүнэн киэркэйэн  
Сэбирдэх үөһэттэн тэлээрдэ,  
Сайар көй салгынна уйдаран  
Оргууидук үнкүүлээн эргийдэ.


Эргийдэ, эргийдэ, тэлээрдэ  
Этиэхтэн кэрэтик, ураннык,  
Эргийдэ, эргийдэ, тэлээрдэ  
Эмиэ да көрүөххэ курустук.

Сайынын күөх силик суугунуу  
Сипсийэр тойуккун уунабын,  
Сага кэм уйгулаах олобун  
Саната уруйдуур буолабын.


Үрүн түүн алыбар суулаангын  
Үйэлээх таптала туоһулуон,  
Үрүйэ уутунуун чуумпуран  
Үксүбүт сүрэбин долгутуон.

Эргитиэн, эргитиэн, тэлээрдийэн  
Эйигин таптыбын, эн дэтиэн,  
Эргитиэн, эргитиэн, тэлээрдийэн  
Эппэтэх тыллары этитиэн.

Саһархай өнгүнэн киэркэйэн  
Сэбирдэх үөһэттэн тэлээрдэ,  
Сайар көй салгынна уйдаран  
Оргууидук үнкүүлээн эргийдэ.







## КҮНДҮ КӨМҮС ДУЙ ЫЙЫМ


Күүтэр истин доборум  
Күндү көмүс дуй ыйым,  
Сипсий миэхэ кистэлгин  
Сүппэт сүдү эрэлгин.

Тоџо мэлдьи соџотох  
Түннүк нөнгүө сырдыыргын,  
Куйаар дирин дуолугар  
Күлүгүрэ устаргын.


Тоџо күнтэн саһангын  
Туоххаһыйа туойаргын,  
Кими алыс ахтангын  
Кэлтэйээхтии уостаргын.

Алы гыным, доџоччуок,  
Алып тыыннаах иэһиибэр,  
Сэргии үөрээр тырымныы  
Сэгээр, ыппыт тиһикпэр.

Таптал тыына угуттаан  
Туолан, үүнэн дьэргэйээр,  
Киэнниир халлаан урсунун  
Кэтит ньуурун киэргэтээр.







## САНААҒА ЫЛЛАРАН БАРДАХХА

Санааға ылларан бардахха  
Санныгын сүгәһәр баттаахтыыр,  
Сүппәккә состорон өр кәмнә  
Сүр баттаан сылатан сордоохтуур.

Сүрэххәр хомолто холбостор  
Сүүрүктээх хааныгын хойдоохтуур,  
Сиигирбит көмүскэн быычылаан  
Сирэйгәр ардахтаан ааһаахтыыр.

Сыһыанна хаһыннар түстәлләр  
Сылытар тыныгын уостаахтыыр,  
Сылтанан хам ылан бардар да  
Сымнаабат ирбәт тон буолаахтыыр.

Силлиэрэ курдаттыыр кураантан  
Сипсийэр тымныы тыал хаарыйтыыр,  
Сирилиир куруһу кууһартан  
Ситтәрбәт кырдыкпыт мунаахтыыр...








Кырдыктыы таптал да баара  
Кыл саҕа кыракый кыым баҕа,  
Кыыстаах уол сыһыанын сылааһа  
Кыбыста хам баттыыр таммаҕа.

Ырааһа, ол таммах ырата  
Ылларбыт сүрэхпит ырыата,  
Ымсыыта эдэргэ суолдьута  
Ытыллар олохпут дьылҕата.





## ТАПТАЛ БААРЫН БИЛИНЭН




Таптал баарын билинэн  
Тэбэр сүрэх мөбүстэр,  
Түөһүм иһэ итийэн  
Турар сирим эргийдэр.

Хоойбун сылаас тынынан  
Холоруктуу ытыйдар,  
Халыр босхо хамсатан  
Хайдых курдук сулуйдар.


Тулам бары киэркэйэн  
Туймаарахтаан көрүөбүм,  
Тулдук курдук көтүөлээн  
Тура өрө мөхсүөбүм.

Харагарбыт халлааным  
Харахтарбар сырдыаба,  
Хатыы тыйыс кыһыным  
Хаачыр хаара ууллуоҕа.

Таптал баарын билинэн  
Татыйыктыы туойуоҕум,  
Таптыыр дьолу сэрэнэн  
Таарыйахтаан тутуоҕум.







## БУ ИНИН

Бу инин, бу сиргэ ананан  
Төрөөбүт, үөскээбит буоллахпыт,  
Бу инин, дьахтардаах эр киһи  
Дьадаһа таптала таллахпыт.

Имэннэ куустаран кутааһа  
Уолуйбут сүрэхпит оргуйуо,  
Утаһы ханнара ыймахтаан  
Инсэлээх иэйиибит дуоһуйуо.

Таарыйсан эт сииммит баһарса  
Таптаһан дыргыйа көөннүөхпүт,  
Түүлэй түүн алыптаах биһигэр  
Түөрэнни биир тэннэ устуохпүт.

Тыһарбыт күүһүрдэр күүһүрөө  
Түгэни куоттара ытымыа,  
Тулабыт туманна көтүтэ  
Туймаардан сиэллэрэ ыксатыа.

Бу инин, бу сиргэ ананан  
Төрөөбүт, үөскээбит буоллахпыт,  
Бу инин, дьахтардаах эр киһи  
Дьадаһа таптала таллахпыт.





## ТАПТЫЫРГА БУРУЙ СУОХ

Тапталы хоһуйа сатыбын  
Тыллары тиһэммин тиэрпэппин,  
Таайбаран бэйэтин таайбаппын  
Тоџотун мин бэйэм билбэппин.

Тапталы көрдөөннүн булбаккын  
Таарыйан сырсааннын сиппэккин,  
Төһүүлээн аҕалан баайбаккын  
Тоџотун эн бэйэн билбэккин.

Тапталы сүрэхтэн ыыппаккын  
Төлүтэ туттаран үүрбэккин,  
Түөрэннин турута тыыппаккын  
Тоџотун эн бэйэн билбэккин.

Тапталтан дьоллонон уоскуйуон  
Тохтооннун сөп буолуо, диэтэлиэн,  
Таһынан иэйиигэ баҕарыан  
Тоџотун эн бэйэн билимиэн.

Тапталтан кистэлэн арыныан  
Түүннэри уһуутаан иэрийиэн,  
Түһээннин атыны баҕарыан  
Тоџотун эн бэйэн билимиэн.

Тоџотун эн бэйэн билимиэн  
Толкуйдаан олоро да түһүөн,  
Түмүккэ син бири билиниэн  
Таптыырга буруй суох, диэн көрүөн.





Мааныны тагара оностон  
Манньыйан атабар үнэллэр,  
Мараны аахайбат аатыран  
Майгылаах үтүөтүн сирэллэр.

Кэрэни кэнниттэн батыһа  
Кэлэрин-барарын кэтиллэр,  
Бүрэни билбэтэх буоланнар  
Бүгүрү бэйэтин күлэллэр.





## ЫЛЛЫАҒЫМ БУ СИРГЭ ТАПТАЛЫ



Күөрэгэй чыычаахтыы дьырылас  
Күөмэйдээх кэрэтэ туойдарбын,  
Көй салгын күөнүгэр күннүүктээн  
Көччүйэр далбарай буолларбын.

Ыллыаҕым, бу сиргэ тапталы  
Ытыллар дорҕоонтон таңаммын,  
Ыллыаҕым, бу сиргэ тапталы  
Ыллаһар сүрэххэ анааммын.


Кэллэҕим кэрэни кэрэхсии  
Кэс тылым сүмэтин ингэртии,  
Кэскиллээх кэнчээри ыччаппар  
Кэһиибин изйиибин бэлэхтии.

Олоруом күннэтэ ырыанан  
Олуһун даҕаны дьоллонон,  
Ол курдук кэм кэрдиис аһаран  
Олоххо аналбын толорон.


Ыллыаҕын, бу сиргэ тапталы  
Ытыллар дорҕоонтон таңаммыт,  
Ыллыаҕын, бу сиргэ тапталы  
Ыллаһар сүрэххэ анааммыт.







Шапталынан угуттуур  
Шалыы мааны саастарбын,  
Шахсар ыйы одуулуур  
Шатым, элэс сылларбын  
Шалан тарпыт мин дьылзам  
Шаайбараңа диэхтиибин...





## Иһинээбитэ

Ыллыабым бу сиргэ тапталы .....	3
Тапталы туойаллар .....	4
Кэрдиис үктэл .....	5
Кулгаахпынан истэммин .....	6
Эйигин таптыбын мин диэхпин .....	7
Тахсыах эрэ таһырдыа .....	8
Дьолу сэрэй, аһарыма .....	9
Бүгүн эн миигинниин эрэ буол .....	10
Олохпун киэргэтэн аастаргын .....	11
Тоҕо? .....	12
Сага күн табыста күөрэйэ .....	13
Тоҕо бүгүн ардах түһэр .....	14
Туймаара уулунна ким эрэ .....	15
Долгуйдум .....	16
Киэһээнни Бүлүү .....	17
Үйэлээх тапталга .....	18
Истин, сылаас чуумпуга .....	19
Хаһан этэй .....	20
Сэбирдэх үөһэттэн тэлээрдэ .....	21
Күндү көмүс дуй ыйым .....	22
Санааҕа ылларан бардахха .....	23
Таптал баара .....	24
Таптал баарын билинэн .....	25
Бу иһин .....	26
Таптыырга буруй суох .....	27
Мааныны тагара оҕостон .....	28
Ыллыабым бу сиргэ тапталы .....	29
Тапталынан угутуур .....	30





16+

Литературно-художественное издание

*ЛЮБОВЬ?  
ТАПТАЛ?*

Стихи  
На якутском языке

Автор  
Феофанова Индиана Васильевна

Компьютерная верстка  
Феофанов Д.А.

**FJ LAYOUT**

Вышла в печать 14.08.2019 г.  
Формат А6. Тираж 100 экз.



---

ТАПТАЛЫ ТУОЙАЛЛАР  
ТАПТАЛТАН ДЬОЛЛООХТОР,  
ТААЙБАТАХ ӨТТҮТТЭН  
ТАБЫГАС ОХТООХТОР.

ТАПТАЛЫ ТУОЙАЛЛАР  
ТОЛОРУ ДЬОЛЛООХТОР,  
ТАБЫГАС ОХТООХХО  
ТАПТАРБЫТ СОРДООХТОР...